

全上古三代秦漢三國六朝文

全晉文卷二十九

烏程嚴可均校輯

王述

述字懷祖，渾弟湛之孫。襲父承爵，監田縣侯。司徒王導辟爲中兵屬。歷康帝、驃騎功曹，除宛陵令。庾冰請爲征虜長史，補臨海太守。遷建威將軍，會稽內史。代殷浩爲揚州刺史，加征虜將軍。尋遷散騎常侍、尚書令。卒，贈侍中、驃騎將軍，開府。謚曰穆。晉避穆帝改謚曰簡，有集八卷。

慶老人星表

老人星見，光色明朗，玄象暉煥，表爾休祚，率土民庶，慶賴罔極。文

類聚

上白麀表

所領阮藻之子江寧縣界得白麀一頭，毛色鮮潔，異于比類，信斯

誠嘉祥也

藝文類聚九十
五御覽九百七

上疏乞骸骨

臣曾祖父魏司空昶白牋于文皇帝曰昔與南陽宗世林共爲東宮官處世林少得好名州里瞻敬及其年老汲汲自勵恐見廢棄時人咸共笑之若天假其壽致仕之年不爲此公婆娑之事情旨慷慨深所鄙薄雖是賤書乃實訓誠臣忝端右而曰疾患禮敬廢替猶謂可有差理日復一日而年衰疾痼永無復瞻華幄之期乞奉先誠歸老丘園

晉書王述傳

婚禮應賀議

春秋傳曰娶者大吉非常吉又傳曰鄭子罕如晉賀夫人鄰國猶相賀況臣下邪如此便應賀但不在三日內耳今因廟見成禮而賀亦是一節也

通典五十九永和三年納后王述議

立琅邪王議

穆帝升平五年

推宗立君，曰爲人極。上古風淳，必託有道。洎乎後代，爭亂漸興。故繼體相傳，居正守位。曰塞奔統，非私其親。或時有艱難，而嗣胤幼劣。故有立長，成皇帝深達帝道，不私親愛。越授天倫，廟無毀遷。統業桓固，康皇帝既受命于成帝，宗廟社稷之重，已移于所授。主上宜爲康王嗣。

通典八十

與會稽王賤

時放之求爲交州朝廷許之

放之溫嶠之子，宜見優異，而投之嶺外，竊用愕然。願遠存周禮，近

參人情，則望實惟允。

晉書溫嶠傳

與庾冰牋

竊聞安西欲移鎮樂鄉，不審此爲筭邪？將爲情耶？若謂爲筭，則彼去武昌千有餘里，數萬之眾，創造移徙，方當興立城壁，公私勞擾。若信要害之地，所宜進據，猶當計移徙之煩，權二者輕重。況此非今日之要耶？方今彊胡陸梁，當稽力養銳，而無故遷動，自取非筭。

又江州當汴流數千、供繼軍府力役、增倍疲曳道路、且武昌實是江東鎮戍之中、非但扞禦上流而已、急緩赴告、駿奔不難、若移樂鄉遠在西陲、一朝江渚有虞、不相接救、方嶽取重、將故當居要害之地、爲內外形勢、使闔閭之心、不知所向、若是情邪、則天道玄遠、鬼情難言、妖祥吉凶、誰知其故、是已達人君子直道而行、不曰情失、昔秦忌亡胡之讖、卒爲劉項之資、周惡壓狐之謠、而成褒姒之亂、此既然矣、歷觀古今、鑒其遺事、妖異速禍敗者、蓋不少矣、禳避之道、苟非所審、且當擇人事之勝理、思社稷之長計、斯則天下幸甚、令名可保矣、若安西威意已耳、不能安于武昌、但得近移夏口、則其次也、樂鄉之舉、咸謂不可、願將軍體國爲家、固審此舉、晉書王述傳

下主簿敕

亡祖先君名播海內、遠近所知、內諱不出于外、餘無所諱、

世說賞譽篇王

藍田王簡諱
諱教云云

答諱

惟祖惟孝四海所知過無復諱

御覽五百六十二引語林王藍田作會稽外請諱答曰云云

王臻

臻述從弟簡順皇后少弟拜崇德衛尉領博士

太后爲親屬舉哀議

千至尊是族舅雖不及舉哀可從太后舉哀于朝堂

通典八十一
褚太后爲從

弟舉哀博士
王臻等議

太后前爲褚衛軍劉夫人舉哀于式乾殿至尊于朝堂今宜依故

事

王坦之

坦之字文度述子簡文爲撫軍辟爲掾累遷參軍從事中郎加散騎常侍出爲大司馬桓溫長史徵拜侍中領本州大中正孝

武卽位、遷中書令、領丹楊尹、尋授都督徐兗青三州諸軍事、北中郎將、徐兗二州刺史、鎮廣陵、卒、追贈尚書僕射、安北將軍、諡曰獻、有集七卷、

將之廣陵鎮上孝武帝表

臣聞人君之道、曰孝敬爲本、臨御四海、曰委任爲貴、恭順無爲、則盛德日新、親杖賢能、則政道邕睦、昔周成漢昭、竝曰幼年、纂承大統、當時天下未爲無難、終能顯揚祖考、保安社稷、蓋尊尊親親、信納大臣之所致也、伏惟陛下、誕奇秀之姿、稟生知之量、春秋尚富、涉道未曠、方須訓導、曰成天德、皇太后仁淑之體、過于三母、先帝奉事積年、每稱聖明、臣願奉事之心、便當自同孝宗、太后慈愛之隆、亦不必異所生、琅邪王餘姚王及諸皇女、宜朝夕定省、承受教誨、導習儀刑、曰成景仰恭敬之美、不可曰屬非至親、自爲疏疑、昔肅祖崩殂、成康幼沖、事無大小、必諮丞相、導所曰克就聖德、實此

之由、今僕射臣安、中軍臣沖、人望具瞻、社稷之臣、且受遇先帝、綢繆繾綣、竝志竭忠貞、盡心盡力、歸誠陛下、目報先帝、恩謂周旋舉動、皆應諮此二臣、二臣之于陛下、則周之旦奭、漢之霍光、顯宗之于王導、沖雖在外路、不云遠事容信、宿必宜參詳、然後情聽復盡、庶事可畢、又天聽雖聰、不敢不廣、羣情雖忠、不引不盡、宜數引侍臣、詢求讜言、平易之世、有道之主、猶尚誠懼、日昃不倦、況今艱難、理盡慮經、安危祖宗之基、繫之陛下、不可不精心務道、目申先帝堯舜之風、可不敬脩至德、目保宣元天地之祚、晉書王坦之傳

荅謝安書

具君雅旨、此是誠心而行、獨往之美、然恐非大雅中庸之謂、意者目爲人之體韻、猶器之方圓、方圓不可錯用、體韻豈可易處、各順其方、目弘其業、則歲寒之功、必有成矣、吾子少立德行、體議淹允、加目令地優游自居、僉曰之談、咸目清遠相許、至于此事實有疑

焉公私二三莫見其可曰此爲濠上悟之者得無鮮乎且天下之寶故爲天下所惜天下之所非何爲不可曰天下爲心乎想君幸復三思

晉書王坦之傳

與殷康子書論公謙之義

夫天道曰無私成名二儀曰至公立德立德存乎至公故無親而非理成名在乎無私故在當而忘我此天地所曰成功聖人所曰濟化由斯論之公道體于自然故理泰而愈降謙義生于不足故時弊而義著故大禹咎繇稱功言惠而成功于彼孟反范燮殿軍後入而全身于此從此觀之則謙公之義固曰殊矣夫物之所美己不可收人之所貴我不可取誠患人惡其上眾不可蓋故君子居之而每加損焉隆名在于矯伐而不在于期當匿迹在于違顯而不在干求是于是謙光之義與矜競而俱生卑挹之義與夸伐而竝進由親譽生于不足未若不知之有餘良藥效于瘳疾未若

無病之爲貴也。夫乾道確然示人易矣。坤道隤然示人簡矣。二象顯于萬物。兩德彰于羣生。豈矯枉過直而失其所哉。由此觀之。則大通之道。公坦于天地。謙伐之義。險巇于人事。今存公而廢謙。則自伐者託至公。自生嫌。自美者因存黨。自致惑。此王生所謂同貌而實異。不可不察者也。然理必有源。教亦有主。苟探其根。則玄指自顯。若尋其末。弊無不至。豈可自嫌似而疑至公。弊貪而忘于諒哉。

哉

皆書王坦之傳

與某書

坦之惶恐言。不知已與謝郎論坦之事。其意良不了者。今當詣公自陳。願告坦之惶恐言。

潘化閭帖三

廢莊論

荀卿稱莊子蔽于天而不知人。揚雄亦曰。莊周放蕩而不法。何宴云。嚮莊軀放玄虛而不周乎時變。三賢之言。遠有當乎。夫獨構之

唱唱虛而莫和、無感之作、義偏而用寡、動人由于兼忘、應物在乎
無心、孔父非不體遠、曰體遠故用近、顏子豈不具德、曰德備故磨
教、胡爲其然哉、不獲已而然也、夫自足者寡、故理懸于義、農、徇教
者眾、故義申于三代、道心惟微、人心惟危、吹萬不同、孰知正是、雖
首陽之情、三黜之智、磨頂之甘、落毛之愛、枯槁之生、負石之死、格
諸中庸、未入乎道、而況下斯者乎、先王知人情之難肆、懼違行、已
致訟、悼司徹之貽悔、審褫帶之所緣、故陶鑄羣生、謀之未兆、每攝
其契而爲節焉、使夫敦禮、曰崇化、日用、曰成俗、誠存而邪忘、利損
而競息、成功遂事、百姓皆曰、我自然、蓋善闇者無怪、故所遇而無
滯、執道、曰離俗、孰踰于不達、語道而失其爲者、非其道也、辯德而
有其位者、非其德也、言默所未究、悅揚之、曰爲風、平且卽濠、曰尋
魚、想彼之我同、推顯、曰求隱、理得而情昧、若夫莊生者、望大庭而
撫契、仰彌高于不足、寄積想于三篇、恨我之懷、未盡其言、詭譎其

義恢誕君子內應從我游方之外眾人因藉之曰爲弊薄之資然則天下之善人少不善人多莊子之利天下也少害天下也多故曰魯酒薄而邯鄲圍莊生作而風俗頽禮與浮雲俱征僞與利蕩竝肆人曰克己爲恥士曰無措爲通時無履德之譽俗有蹈義之愆駭語賞罰不可曰造次履稱無爲不可與適變雖可用于天下不足曰用天下人昔漢陰丈人脩渾沌之術孔子曰爲識其一不識其二莊生之道無乃類乎與夫如愚之契何殊閒哉若夫利而不害天之道也爲而不爭聖之德也羣方所資而莫知誰氏在儒而非儒非道而有道彌貫九流玄同彼我萬物用之而不旣登塵日新而不朽昔吾孔老固已言之矣

晉書王坦之傳

沙門不得爲高士論

高士必在于縱心調暢沙門雖云俗外返更束于教非情性自得之謂也

世說門下篇注此中則不爲林公所知乃著此論其大略云

王忱

忱字元達小字佛大坦之第四子太元中爲吏部郎歷驃騎長史出爲建武將軍都督荆益寧三州軍事荊州刺史假節鎮荊州卒贈右將軍諡曰穆有集五卷

郊祀明堂議

明堂則天象地儀觀之大宜俟皇居反舊然後脩之

宋書禮志三
太元十二年

吏部郎
王忱議

王欣之

欣之述從子爲豫章太守太元初拜光祿勳

君臣同諡表

大元四年

伏尋太康中郭奕諡曰景有司執孝宗同號臣聞姬朝威明父子齊稱諸侯與周同諡經諸哲王不易之道也宜遵古典訓範來裔

通典一
百四

王濛

濛字仲祖，渾從曾孫。司徒王導辟爲掾，後出補長山令，復爲司
徒左西屬，不就。徙中書郎，轉司徒左長史，有集五卷。

議立奔赴之制

咸康中

三代垂文，觀時損益。今服教之地，遠于古之九服。若守七月之斷，
遠近一概者，懼非通制。請王畿以外，南極五嶺，非守見職。周年不
至者，宜勒注黃紙，有爵土者削降。永嘉中，江統議不奔山陵，但三
年不敘于義爲輕。今更立如牒，若方伯授用，雖未有王命，猶不與
停散同。今見在官，卽吉之後去職不及凶事，無所貶責。萬里外，已
再周爲限。自此已內，明依前牒。雖在父母喪，其責不異。

通典八十
咸康中同

徒西曹屬
王濛議

申述前議

喪紀有數，吉凶有斷，豈可當于縞素旣終，而制無限之責哉？若除

喪使奔當曰何服素服敘哀則在廷已吉陵無哭禮若玄冠致敬
宜曰朝謁非奔喪之謂若服外更立限斷則不知所準若不計遠
近同服內則立制漫而無斷通典八十

致王導賤

開國承家小人勿用杖德義曰尹天下方將澄清彝倫崇重名器
夫軍國殊用文武異容豈可令涇渭混流虧清穆之風曰允荅且
瞻儀刑海內晉書外戚王濛傳

賤

濛死罪諸葛僕射之弟曰情料之當非至困者欲斂其時吏無一
在者便曰下官賤荅之濛死罪古刻義鈔

王脩

脩字敬仁小字荀子濛子爲著作郎琅邪王文學轉中軍司馬
未拜而卒

賢人論

或問易稱賢人黃裳元吉苟未能闇與理會何得不求通求通則有損有損則元吉之稱將虛設乎答曰賢人誠未能闇與理會當居然人從比之理盡猶一豪之領一梁一豪之領一梁雖于理有損不足已撓梁賢有情之至寡豪有形之至小豪不至撓梁于賢人何有損之者哉

世說文學篇注引王脩集

王恭

恭字孝伯小字阿甯濛孫歷著作佐郎祕書監中書郎吏部郎建威將軍太元中爲丹楊尹遷中書令領太子詹事孝武昌后兄擢都督兗青冀幽并徐州晉陵諸軍事平北將軍兗青二州刺史假節鎮京口改號前將軍尋降號輔國將軍安帝卽位已爲安北將軍不拜舉兵討王瑜等爲會稽王道子所殺桓玄執政贈侍中太保諡曰忠簡有集五卷

讓太子詹事表

今皇儲始建，四方是式，搃司之任，崇替所由，宜妙簡才，賢盡一時之勝，豈臣最庸所可叨忝？

北堂書鈔六十五引晉起居注兩條又見御覽二百四十五

抗表罪狀王國寶

後將軍國寶得已姻戚，頻登顯列，不能感恩效力，目報時施，而專寵肆威，將危社稷，身負莫大之罪，謹陳其狀。前荊州刺史王悅國寶同產弟也，受任西藩，不幸致喪，國寶求假奔彼，遂不卽路，慮臺糾察，懼于黜免，乃毀冠改服，變爲婦人，與婢同載，入請相王，又先帝暴崩，莫不驚號，而國寶覲然了無戚容，夜乃犯閤叩扉，求行姦計，欲詐爲遺詔，矯弄神器，彰見于外，莫不聞知，賴皇太后聰明相王神武，故逆謀不果，又割東宮見兵，目爲己府，讒疾二昆，過于讎敵，樹立私黨，遍于府朝，兵食資儲，斂爲私積，販官鬻爵，威恣百城，收聚不逞，招集亡命，與其從弟輔國將軍王緒同黨，頑凶狂狡，共

案書
作者趙
歆與甲
誅石側
之惡

相扇連人理不商同惡相成共竊名器自知禍惡已盈怨集人鬼
規爲大逆蕩覆天下此不忠不義之明白也呂臣忠誠必亡身殉
國是呂譖臣非一賴先帝明鑒浸潤不行昔趙鞅與晉陽之甲夷
君側之惡臣雖驚劣敢忘斯義

晉書王恭傳魏書
晉司馬德宗傳

與沈警書

足下旣執不坎之志高臥東南故屈賢子共事非呂吏職嬰之也

宋書沈
約自序

與沙門僧檢書

遠持兄弟至德何如

高僧
傳

賜進士出身三品銜廣東等處提刑按察使司按察使兼管驛傳事務黃岡王毓藻校刊

全晉文卷二十九終

全晉文卷三十

烏程嚴可均校輯

楊偉

偉字世英，馮翊人。仕魏文帝、明帝，爲尚書郎。後參大將軍曹爽軍事。入晉，爲征南軍司。有景初曆三卷、桑丘先生書二卷、時務論十二卷。

上景初曆表

臣覽載籍，斷考曆數。時曰紀農，月曰紀事，其所由來，遐而尚矣。乃自少昊則玄鳥司分，顓頊帝嚳則重黎司天。唐帝虞舜則羲和掌日，三代因之，則世有日官。日官司曆，則頒之諸侯。諸侯受之，則頒于境內。夏后之世，羲和涸淫，廢時亂日，則書載殄征。由此觀之，審農時而重人事，歷代然之也。逮至周室既衰，戰國橫騖，告朔之羊廢而不紹，登臺之禮滅而不遵。閏分乖次而不識，孟陬失紀而莫

悟大火猶西流而怪蟄蟲之不藏也是時也天子不協時司麻不協日諸侯不受職日御不分朔人事不恤廢棄農時仲尼之撥亂于春秋說褒貶糾黜司麻失閏則譏而書之登臺頒朔則謂之有禮自此呂降暨于秦漢乃復呂孟冬爲歲首閏爲後九月中節乖錯時月紕繆加時後天蝕不在朔累載相襲久而不革也至武帝元封七年始乃悟其繆焉于是改正朔更麻數使大才通人更造太初麻校中朔所差呂正閏分課中星得度呂攷疏密呂建寅之月爲正朔呂黃鍾之月爲律麻初其麻斗分太多後遂疏闊至元和二年復用四分麻施而行之至于今日攷察日蝕率常在晦是則斗分太多故先密後疏而不可用也是呂臣前呂制典餘日推攷天路稽之前典驗之呂蝕朔詳而精之更建密麻則不先不後古今中天呂昔在唐帝協日正時允釐百工咸熙庶績也欲使當今國之典禮凡百制度皆韜合往古邛然備足乃改正朔更麻數

曰大呂之月爲歲首。曰建子之月爲厯初。臣曰爲昔在往代則法
日顓頊。曩自軒轅則厯日黃帝。暨至漢之孝武。革正朔。更厯數。改
元曰太初。因名太初厯。今改元爲景初。宜曰景初厯。臣之所建。景
初厯法。數則約要。施用則近密。治之則省功。學之則易知。雖復使
研桑心算。隸首運籌。重黎司晷。羲和察景。曰攷天路。步驗日月。究
極精微。盡術數之極者。皆未能竝。臣如此之妙也。是曰累代厯數
皆疏而不密。自黃帝以來。常改革不已。壬辰元呂來。至景初元年
丁巳。歲積四千四十六算止。此元呂天正建子。黃鍾之月爲厯初。
元首之歲夜半甲子朔旦冬至。元法萬一千五十八。晉書律厯志
下宋書厯志

厯議

六十日中疏密可知。不待十年。若不從法。是校方圓棄規矩。考輕
重。背權衡。課長短。廢尺寸。論是非。違分理。若不先定校厯之本法。

而懸聽棄法之末爭則孟軻所謂方寸之木可使高于岑樓者也
今韓翃據劉洪術者知貴其術珍其法而棄其論背其術廢其言
違其事是非必使洪奇妙之式不傳來世若知而違之于挾故而
背師也若不知據之是爲挾不知而固知也晉書律曆志中黃初中楊偉議云云
諫明帝治宮室

今作宮室斬伐生民基上松柏毀壞碑獸石柱率及亡人傷孝子
心不可曰爲後世之法則魏志曹爽傳在引世語

時務論

轡策絆摯之具設雖剛怒礪戾蹄齧之馬若足一作拘絆繫口啣
轡勒筆策必至則蹢躅循軌御覽三百五十九

賈充

充字公閭平陽襄陵人魏豫州刺史遼子太和中襲爵陽里亭
侯拜尚書郎後累遷黃門侍郎汲郡典農中郎將參大將軍軍

事轉右長史、自從征諸葛誕功、進爵宣陽鄉侯、遷廷尉、轉中護軍、弑高貴鄉公、及陳留王卽位、進封安陽鄉侯、加散騎常侍、晉國建、封臨沂侯、武帝卽王位、拜衛將軍、儀同三司、給事中、改封臨潁侯、及受禪、轉車騎將軍、散騎常侍、尚書僕射、更封魯郡公、尋代裴秀爲尚書令、改侍中、出爲使持節、都督秦涼二州諸軍事、不行、遷司空、尋轉太尉、行太子太保、錄尚書事、咸寧末、爲使持節、假黃鉞、大都督、伐吳、吳平、增邑八千戶、太康三年卒、追贈太宰、禮官議諡曰荒、不納、諡曰武、有集五卷。

裴頠

秀有佐命之勲、不幸嫡長喪亡、遺孤稚弱、頠才德英茂、足自興隆

國嗣

晉書裴頠傳

辭大都督表

西有昆夷之患、北有幽并之戍、天下勞擾、年穀不登、興軍致討、懼

非其時又臣老邁非所克堪

晉書賈充傳伐吳之役詔充爲大都督

請召還諸軍表

吳未可悉定方夏江淮下溼疾疫必起宜召諸軍已爲後圖雖腰

斬張華不足呂謝天下

晉書賈充傳

齊王攸爲弘訓太后服議

河南尹王恂上言弘訓太后入廟合食于景皇帝齊王攸不得行

其子禮充議曰爲禮諸侯不得祖天子公子不得禰先君皆謂奉

統承祀非謂不得服其父祖也攸身宜服三年喪事自如臣制

晉書賈充傳

衛瓘

瓘字伯玉河東安邑人

案左思傳有陳留衛瓘乃衛瓘之誤

魏尚書凱子明帝時

襲爵閔鄉侯爲尚書郎徙通事郎轉中書郎高貴鄉公時遷散

騎常侍陳留王卽位拜侍中轉廷尉卿尋持節監鄧艾鍾會軍

事行鎮西軍司蜀平除使持節都督關中諸軍事鎮西將軍尋
遷都督徐州諸軍事鎮東將軍增封領陽侯晉受禪轉征東將
軍進爵爲公都督青州諸軍事青州刺史加征東大將軍青州
牧徙征北大將軍都督幽州諸軍事幽州刺史護烏桓校尉咸
寧初徵拜尚書令加侍中太康中遷司空領太子少傅進太保
惠帝初錄尚書事輔政爲賈后矯詔所殺諡曰成有論語注八
卷

請議郊訛假葬除服表

前太子洗馬濟陰郊訛寄止衛國文學講堂十餘年母亡不致喪
歸便于堂北壁外下棺謂之假葬三年卽吉詔用爲征東參軍或
曰爲城寺之內屋壁之間無葬處不成葬則不應除服主者今欲
明用權不過其舉下司徒部博士評議通典一百
三太康中
請除九品用土斷疏

昔聖王崇賢舉善而教用使朝廷德讓野無邪行誠曰閭伍之政足曰相檢詢事考言必得其善人知名不可虛求故還脩其身是曰崇賢而俗益穆黜惡而行彌篤斯則鄉舉里選者先王之令典自茲曰降此法陵遲魏氏承顛覆之運起喪亂之後人士流移攷詳無地故立九品之制粗具一時選用之本耳其始造也鄉邑清議不拘爵位褒貶所加是爲勸勵猶有鄉論餘風中間漸染遂計資定品使天下觀望唯曰居位爲貴人棄德而忽道業爭多少于錐刀之末傷損風俗其弊不細今九域同規大化方始臣等曰爲宜皆蕩除末法一擬古制曰土斷定自公卿曰下皆曰所居爲正無復懸客遠屬異土者如此則同鄉鄰伍皆爲邑里郡縣之宰卽曰居長盡除中正九品之制使舉善進才各由鄉論然則下敬其上入安其教俗與政俱情化與法並濟人知善否之教不在交游卽華競自息各求于已矣今除九品則宜準古制使朝臣共相舉

任于出才之路既博且可曰厲進賢之公心嚴在位之明闇誠令

典也晉書衛瓘傳太康中瓘與太尉汝南王亮上疏

奏免山濤

濤曰微苦久不視職手詔頻煩猶未順旨參議曰為無專節之尚

違至公之義若實沈篤亦不宜居位可免濤官晉書山濤傳

奏請贈鄭默三司

默才行名望宜居論道五升九卿位未稱德宜贈三司晉書鄭默傳

與某書

頓州民衛瓘惶恐死罪中闕音敬望想盡懷在外累年始爾得還

情甚踴躍旦望州里上領節度明日乃入奉說欣承福昨自一作得

白不具瓘惶恐死罪潘化閭帖二

與魏舒書

每與足下共論此事日日未果可謂瞻之在前忽然在後矣晉書魏舒傳

傳舒曰司徒劇陽子遜位還第司空衛璠與舒書又見御覽四百二十四引王隱晉書

衛恆

恆字巨山，瑤子。咸寧中，辟司空齊王府倉曹掾。泰康初，轉太子舍人，歷尚書郎、祕書丞、太子庶子、黃門郎。惠帝初，與父瑤同遇害。

王昌前母服議

或云嫡不可二，前妻宜絕，此爲奪舊與新，違母從子，禮律所不許。人情所未安也。或云絕與死同，無嫌二嫡，據其相及，欲令服此，爲諭嫡則死，議服則生，若還自相伐，理又不通。愚曰：爲地絕死，絕誠無異也。宜一如前母，不復追復。

晉書禮志中：泰康元年，倉曹掾衛恆議云云。案王昌事詳前竟陵

王昌
書文

一日有恨，知問未面，爲歎，欲七日去邪。恆白：

直化閣帖二

四體書勢

古文

昔在黃帝創制告物有沮誦倉頡者始作書契曰代結繩蓋觀鳥跡曰興思也因而遂滋則謂之字有六義焉一曰指事上下是也二曰象形日月是也三曰形聲江河是也四曰會意武信是也五曰轉注老考是也六曰假借令長是也大指事者在上爲上在下爲下象形者日滿月虧效其形也形聲者曰類爲形配曰聲也會意者止戈爲武人言爲信也轉注者曰老壽考也假借者數言同字其聲雖異文義一也自黃帝至三代其文不改及秦用篆書焚燒先典而古文絕矣漢武帝時魯共王壞孔子宅得尚書春秋論語孝經時人已不復知有古文謂之科斗書漢世祕藏希得見之魏初傳古文者出于邯鄲淳恆祖敬侯寫淳尚書後曰示淳而淳不別至正始中立三字石經轉失淳法因科斗之名遂效其形太

康元年汲縣人盜發魏襄王冢得策書十餘萬言案敬侯所書猶有髣髴古書亦有數種其一卷論楚事者最爲工妙恒竊悅之故竭愚思已贊其美愧不足廁前賢之作冀已存古人之象焉古無別名謂之字案有脫文勢云黃帝之史沮誦倉頡眺彼鳥跡始作書契紀綱萬事垂法立制帝典用宣質文著世爰暨暴秦滔天作戾大道旣泯古文亦滅魏文好古世傳丘墳歷代莫發真僞靡分大晉開元弘道敷訓天垂其象地耀其文其文乃耀繁矣其章因聲會意類物有方目處君而盈其度月執臣而虧其旁雲委蛇而上布星離離已舒光木卉萃尊已垂穎山嶽峨嵯而連岡蟲跂跂已若動鳥似飛而未揚觀其錯筆綴墨用心精專勢和體均發止無間或守正循檢矩折規旋或方圓靡則因事制權其曲如弓其直如弦矯然特出若龍騰于川森爾下頽若雨墜于天或引筆奪力若鴻雁高飛邈邈翩翩或縱肆阿那若流酥懸羽靡靡綿綿是故遠

而望之若翔風厲水清波漪漣就而察之有若自然信黃唐之遺跡爲六藝之範先籀篆蓋其子孫隸草乃其曾玄觀物象以致思非言辭之所宣

晉書衛瓘傳魏志劉劭傳注引文章敘錄

篆書

昔周宣王時史籀始著大篆十五篇或與古同或與古異世謂之籀書者也及平王東遷諸侯力政家殊國異而文字乖形秦始皇帝初兼天下丞相李斯乃奏益之罷不合秦文者斯作倉頡篇中車府令趙高作爰歷篇太史令胡毋敬作博學篇皆取史籀大篆或頗省改所謂小篆者或曰下土人程邈爲衙獄吏得罪始皇幽繫雲陽十年從獄中作小篆少者增益多者損減方者使員員者使方奏之始皇始皇善之出爲御史使定書或曰邈所定乃隸字也自秦壞古文有八體一曰大篆二曰小篆三曰刻符四曰蟲書五曰摹印六曰署書七曰殳書八曰隸書王莽時使司空甄豐

校文字部改定古文復有六書一曰古文孔氏壁中書也二曰奇
字卽古文而異者也三曰篆書秦篆書也四曰佐書卽隸書也五
曰繆篆所自摹印也六曰鳥書所自書幡信也又許慎撰說文用
篆書爲正呂爲體例最可得而論也秦時李斯號爲工篆諸山及
銅人銘皆斯書也漢建初中扶風曹喜少異于斯而亦稱善邯鄲
淳師焉略究其妙韋誕師淳而不及也太和中誕爲武都太守呂
能書畱補侍中魏氏寶器銘題皆誕書也漢末又有蔡邕采斯喜
之法爲古今雜形然精密簡理不如淳也邕作篆勢曰鳥遺跡皇
頤循聖作則制斯文體有六篆爲真形要妙巧入神或龜文當有缺文
鉞缺列櫛比龍鱗紆體放尾長翅短身頽若黍稷之垂穎蘊若虫
蛇之勢緇揚波振擎鷹跂鳥震延頸矜翼勢似陵雲或輕筆內投
微本濃末若絕若連似露緣絲凝垂下端從者如懸衡者如編杳
杪邪趣不方不圓若行若飛跂跂翩翩遠而望之象鴻鵠羣遊駉

驛遞延迫而視之端際不可得見指搦不可勝原研桑不能數其詰屈離婁不能觀其卻閒般倕揖讓而辭巧籀誦拱手而韜翰虛篇籍之首目粲斌斌其可觀摘華豔于紈素爲學藝之範圍喜文德之弘懿蘊作者之莫刊思字體之頻仰舉大略而論旃晉書衛瓘附傳魏志劉劭傳注引文章敘錄又蔡中郎集又水經注河水則又茲文類聚七十四初學記二十一御覽七百四十九引蔡邕篆勢

隸書

秦既用篆奏事繁多篆字難成卽令隸人佐書曰隸字漢因行之獨符印璽幡信題署用篆隸書者篆之捷也上谷王次仲始作楷法至靈帝好書世多能者而師宜官爲最大則一字徑丈小則方寸千言甚矜其能或時不持錢詣酒家飲因書其壁雇觀者已酬酒討錢足而滅之每書輒削而焚其札梁鵠乃益爲版而飲之酒候其醉而竊其札鵠卒已攻書至選部尚書宜官後爲袁術將今鉅鹿宋子有耿球碑是術所立其書甚工云是宜官也梁鵠奔劉

表魏武帝破荊州募求鵠鵠之爲選部也魏武欲爲洛陽令而已爲北部尉故懼而自縛詣門署軍假司馬使在祕書已勤書自効是已今者多有鵠手跡魏武帝懸著帳中及已釘壁玩之已爲勝宜官鵠字孟黃安定人魏宮殿題署多是鵠篆鵠宜爲大字邯鄲涪宜爲小字鵠謂涪得次仲法然鵠之用筆盡其勢矣鵠弟子毛弘教于祕書今八分皆弘法也漢末有左子邑小與涪鵠不同然亦有名魏初有鍾胡二家爲行書法俱學之于劉德升而鍾氏小異然亦各有巧今大行于世云作隸勢曰鳥跡之變乃惟佐隸獨彼繁文崇此簡易厥用既弘體象有度煥若星陳鬱若雲布其大徑尋細不容髮隨事從宜靡有常制或窮隆恢廓或櫛比鍼列或砥平繩直或蜃蟺膠戾或長邪角趣或規旋矩折修短相副異體同勢奮筆輕舉離而不絕纖波濃點錯落其間若鍾簴設張庭燎飛煙嶄巖嶢嵯高下屬連似崇臺重宇增雲冠山遠而望之若飛

龍在天近而察之心亂目眩奇姿論詭不可勝原研桑所不能計
辛賜所不能言何草篆之足算而斯文之未宣豈體大之難觀將
祕奧之不傳聊俯仰而詳觀舉大較而論施晉書衛瓘附傳魏志
武帝紀注又劉劭傳

草書

漢興而有草書不知作者姓名至章帝時齊相杜度號善作篇後
有崔瑗崔寔亦皆稱工杜氏殺字甚安而書體微瘦崔氏甚得筆
勢而結字小疏弘農張伯英者因而轉精其巧凡家之衣帛必書
而後練之藝文類聚作後染臨池學書池水盡黑下筆必爲楷則號怒怒
不暇草書寸紙不見遺至今世尤寶其書韋仲將謂之草聖伯英
弟文舒者次伯英又有姜孟穎梁孔達田彥和及韋仲將之徒皆
伯英弟子有名于世然殊不及文舒也羅叔景趙元嗣者與伯英
並時見稱于西州而矜巧自與眾頗惑之故英自稱上比崔杜不

足下方羅趙有餘河閼張超亦有名然雖與崔氏同州不如伯英

之得其法也崔瑗作草書勢曰書契之興始自頡皇寫彼鳥跡曰

定文章爰暨末葉典籍彌繁時初學記之多僻政之多權官事荒

蕪勦其墨翰惟作佐隸舊字是刪草書之法蓋又初學記簡略應

時論指周于卒迫兼功竝用愛日省力純儉之變豈必古式觀其

法象俯仰有儀方不中矩員不副規抑左揚右望之若歆竦企鳥

跡志在飛移狡獸暴駭將奔未馳或黜黠點黼此五字初學記但

狀似連珠絕而不離畜怒怫鬱放逸生奇或凌遽而惴慄若據高

而臨危旁點邪附似蜩蟬揭枝初學記作似絕筆收勢餘縱糾結

若山蜂施毒看隙緣巖騰蛇赴穴頭沒尾垂是故遠而望之隴焉

若隕岸崩崖就而察之一畫不可移纖微要妙臨時從宜略舉大

較髮髯若斯晉書衛瓘附傳魏志劉劭傳注藝文類聚七

衛展

展字道舒恆族弟歷尚書郎南陽太守永嘉中爲江州刺史元
帝稱晉王已爲大理及建號拜廷尉卒贈光祿大夫有集十五
卷

陳諺言表

諺言廷尉獄平如砥有錢生無錢死此諺之起死生之出于此法
獄也

初學記
二十

上書言祖父不合從坐

今施行詔書有考子正父死刑或鞭父母問子所在近主者所稱
庚寅詔書舉家逃亡家長斬若家長是逃亡之主斬之雖重猶可
設子孫犯事將考父祖逃亡逃亡是子孫而父祖嬰其酷傷順破
教如此者眾相隱之道離則君臣之義廢君臣之義廢則犯上之
奸生矣秦網密文峻漢興埽除煩苛風移俗易幾于刑厝大人革
命不得不蕩其穢惡通其比滯今詔書宜除者多有便于當今著

爲正條則法差簡易

晉書刑法志展爲晉王大理考施故事有不合情者上書云云又見羣書治要二十九引

晉書又通典一百六十四

上言宜復肉刑

古者肉刑事經前聖漢文除之增加大辟今人戶彫荒百不遺一而刑法峻重非句踐養胎之義也愚謂宜復古施行曰隆太平之

化晉書刑法志又通典一百六十八

衛瓘

嶼瓘九世孫爲散騎常侍嗣江夏公

上表自陳

臣乃祖故太保瓘于魏咸熙之中太祖文皇帝爲元輔之日封蕭陽侯大晉受禪進爵爲公歷位太保總錄朝政于時賈庶人及諸王用事忌瓘忠節故楚王璋矯詔致禍前朝已瓘秉心忠正加臣伐蜀之勳故追封蘭陵郡公永嘉之中東海王越食蘭陵換封江

夏戶邑如舊臣高祖散騎侍郎噪之嫡孫襲承封爵中宗元皇帝
已曾祖故右衛將軍崇承襲逮于臣身伏聞祠部郎荀伯子表欲
貶降復封蕭陽夫趙氏之忠寵延累葉漢祖開封誓曰山河伏願
陛下錄既往之勳垂罔極之施乞出臣表付外參詳案書荀伯子傳義熙九年

賜進士出身三品銜廣東等處提刑按察使司按察使兼管驛傳事務黃岡王毓藻校刊

全晉文卷三十終

全晉文卷三十一

烏程嚴可均校輯

荀顗

顗字景倩，潁川潁陰人。漢尚書令彧第六子。仕魏爲中郎，拜散騎侍郎，遷侍中。齊王時，拜騎都尉，賜爵關內侯。高貴鄉公時，進爵萬歲亭侯，拜僕射，領吏部。陳留王時，遷司空，進爵鄉侯。後封臨淮侯。晉受禪，進爵爲公，拜司徒，尋加侍中，遷太尉，行太子太傅。泰始十年卒，謚曰康。

議故吏爲舊君服表

禮臣爲君斬紼三年，與子爲父同。已進登天朝，絕無舊君之心。廢反服之禮，非所已敦風崇教。今使仕者反服舊君，于義爲弘。通典九十九

昌邑侯滿璋庶妹服議

諸侯絕周大夫絕總，然則尊同。周已及總，皆如本親喪服。經曰：君

爲姑妹女子子嫁于國君者傳曰何曰大功尊同也又曰大夫爲伯叔父母子昆弟昆弟之子爲士者傳曰何曰大功尊不同也然則尊不同則降不待所臣乃絕之諸侯尊重大夫尊輕曰大夫尊降其親則知諸侯雖所不臣絕不服也

通典九十三

賜諡議

若賜諡而道遠不及葬者皆封策下屬遺所承長吏奉策卽家祭

賜諡

晉書

甲乙問議

春秋竝后匹嫡古之明典也今不可已犯禮竝立二妻不別尊卑而遂其失也故當斷之曰禮先至爲嫡後至爲庶景子宜已嫡母服乙乙子宜已庶母事景昔屈建去芟古人已爲違禮而得禮景子非爲抑其親斯自奉禮先後貴賤順敘之義也

晉書禮志中太尉荀顗議

荀崧

松字景猷或立孫泰始中襲父顯爵廣陽

一作安陵

鄉侯補濮陽王

允文學趙王倫引爲相國參軍倫篡位轉護軍司馬給事中遷

尙書吏部郎太子中庶子又遷侍中中護軍洛陽陷奔密族父

藩承制召爲江北監軍南中郎將後將軍假節襄陽太守進爵

舞陽縣公遷都督荊州江北諸軍事平南將軍改封曲陵公元

帝卽位徵拜尙書僕射轉太常王敦表爲尙書左僕射明帝時

加散騎常侍領太子太傅王敦平更封平樂伯坐事免後拜金

紫光祿太夫錄尙書事遷右光祿大夫領祕書監卒贈侍中諡

曰敬有集一卷

上疏請增置博士

臣聞孔子有云才難不其然乎自喪亂已來經學尤寡儒有席上
之珍然後能弘明道訓今處學則闕朝廷之秀仕朝則廢儒學之
美昔咸寧太康元康永嘉之中侍中常侍黃門之深博道奧通洽

古今行爲世表者。領國子博士一則應對殿堂。奉酬顧問。二則參訓門子。三則弘儒學。三則祠儀二曹。及太常之職。已得藉用。質疑今皇朝中興。美隆往初。宜憲章令軌。祖述前典。世祖武皇帝聖德欽明。應運登禪。受終于魏。崇儒興學。治致升平。經始明堂。營建辟雍。告朔班政。鄉飲大射。西閣東序。河圖祝書。祭籍臺省。有宗廟太府金墉故事。太學有石經古文。先儒典訓。賈馬鄭杜服孔王何顏尹之徒。章句傳注。眾家之學。置博士十九人。九州之中。師徒相傳。學士如林。猶選張華劉寶居太常之官。已重儒教。傳稱孔子沒而微言絕。七十子終而大義乖。自頃中夏殄瘁。講誦過密。斯文之道。將墜于地。陛下聖哲龍飛。闡弘祖烈。申命儒術。恢崇道教。樂正雅頌。于是乎在。江揚二州。先漸聲教。學士遺文。于今爲盛。然方之疇昔。猶千之一也。臣學不章句。才不弘道。階緣光寵。遂忝非服。方之華實。儒風邈遠。思竭駑駘。庶增萬分。願斯道隆于百代之上。縉紳詠

于千載之下。伏聞節省之制。皆三分置二。博士舊員十有九人。今五經合九人。準古計今。猶未中半。九人已外。猶宜增四。願陛下萬機餘暇。時垂省覽。周易一經。有鄭玄注。其書根源。誠可深惜。宜爲鄭易置博士一人。儀禮一經。所謂曲禮。鄭玄于禮特明。皆有證據。宜置鄭儀禮博士一人。春秋公羊。其書精隱。明于斷獄。宜置博士一人。穀梁簡約隱要。宜存于世。置博士一人。昔周之衰。下陵上替。臣弑其君。子弑其父。上無天子。下無方伯。善者誰賞。惡者誰罰。綱紀亂矣。孔子懼。而作春秋。諸侯諱妬。懼犯時禁。是曰微辭。妙旨義不顯明。故曰知我者其唯春秋。罪我者其唯春秋。時左丘明子夏造邨親受。無不精究。孔子既沒。微言將絕。于是丘明退撰所聞。而爲之傳。其書善禮。多膏腴美辭。張本繼末。曰發明經義。信多奇偉。學者好之。儒者稱公羊高親受子夏。立于漢朝。辭義清俊。斷決明審。多可採用。董仲舒之所善也。穀梁赤師徒相傳。暫立于漢。時劉

向父子漢之名儒猶執一家莫有相從其書文清義約諸所發明或是左氏公羊所不載亦足有所訂正是曰三傳並行于先代通才未能孤廢今去聖久遠斯文將墜與其過廢寧過而立也臣已爲三傳雖同一春秋而發端異趣案如三家異同之說義則戰爭之場辭亦劒戟之鋒于理不可得共博士宜各置一人以傳其學

宋書禮志一又晉書荀崧傳通典五十三皆有刪節

議王式事

禮繼母嫁從爲之服報其犯出者無服案式母之求去式父之遺竝無名例若曰父母之過非式所得言及式奉親盡禮而母自求去者過在母矣式之追服可謂過厚若乃六親有違繼就非禮宜訪之中正宗老非禮官所得逆裁

通典九十四大興三年太常曲陵公荀崧駢都尉蕭輪議云云

議上元帝廟號

禮祖有功宗有德元皇帝天縱聖哲光啟中興德澤侔于太戊功

惠邁于漢宣臣敢依前典上號曰中宗

晉書
松傳

答卞壺論劉楨同姓為昏

如楨所執苟在限內雖遠不可苟在限外不遠可通也吾無曰異之王伯與鄭玄高雋弟子也為子稚賓取王處道女也當得禮意于時清談盡無譏議今難者雖苦竟不能折其理春秋不伐有辭謂楨不應見責

通典
六十

與王導書

三年當大禘愍帝已居子位復居父位且子雖齊聖不先父食此君即父也此為愍帝是先帝之父懷帝是愍帝之父惠帝是懷帝之父二代更重四代所曰為疑處也

通典四
十八

與王敦書

誠曰長蛇未剪別詳宗祖先帝應天受命曰隆中興中興之主寧可隨世數而遷毀敢率丹直詢之朝野上號中宗卜日有期不及

重請專輒之愆所不敢辭

晉書荀
崧傳

荀勗

勗字公曾漢司空爽曾孫仕魏爲大將軍曹爽掾遷中書通事郎除安陽令轉驃騎從事中郎遷廷尉正參大將軍文帝軍事賜爵關內侯轉從事中郎領記室進侍中封安陽子武帝受禪改封濟北郡侯拜中書監加侍中領著作進光祿大夫尚書令卒贈司徒諡曰成有集三卷

蒲萄賦

靈運宣流休祥允淑懿彼秋方乾元是畜有蒲萄之珍偉應洎和

而延育

蘇文類聚
八十七

讓樂事表

臣掌著作又知祕書今覆校錯誤十萬餘卷書不可倉卒復兼他職必有廢頓

薦李胤爲司徒表

三公具瞻之望誠不可用非其人昔魏文帝用賈詡爲公孫權笑

之尚書令李胤忠亮高潔堪處台輔

御覽二百八引荀勗對詔

薦三公保傅表

三公保傅宜得其人若使楊珧參輔東宮必當仰稱聖意尚書令

衛瓘吏部尚書山濤皆可爲司徒如曰瓘新爲令未出者濤卽其

人晉書荀勗傳時太尉賈充司徒李胤並薨太子太傅又勸表陳從之

讓尚書令表

昔六官所掌冢宰爲首秦公卿贊曰丞相御史爲冠今者尚書令

總此三者非臣驚聞所宜忝竊

書鈔五十九引荀勗集

讓豫州大中正表

被敕曰臣爲豫州大中正臣與州閭鄉黨初不相接臣本州十郡

方于他州人數倍多品藻人物曰正一州清論此乃臧否之本風

俗所重

御覽二百六十
五引荀勗集

奏校試笛律

中所出御府銅管二十五具太常樂部郎劉秀等校試其三具與杜夔左延年律法同其二十二具視其名題尺寸是笛律也問協律中郎將列和云昔魏明帝時令和承受笛聲已作此律欲使學者別居一坊歌詠講習依此律調至于都合樂時但識其尺寸之名則絲竹歌詠皆得均合歌聲濁者用長笛長律歌聲清者用短笛短律凡絃歌調張清濁之制不依笛尺寸之則不可知也

藝文類聚

五御覽十六並引晉諸公贊又見
晉書律厯志上又見宋書律志

奏條牒諸律問列和意狀

昔先王之作樂也已振風蕩俗饗神祐賢必協律呂之和已節八音之中是故郊祀朝宴用之有制歌奏分敘清濁有宜故曰五聲十二律還相爲宮此經傳記籍可得而知者也如和對離笛之長

短無所象則率意而作不由曲度攷呂正律皆不相應吹其聲均多不諧合又辭先師傳笛別其清濁直呂長短工人裁制舊不依律是爲作笛無法而和寫笛造律又令琴瑟歌詠從之爲正非所已稽古先哲垂憲于後者也謹條牒諸律間和意狀如左及依典制用十二律造笛象十二牧聲均調和器用便利講肄彈擊必合律呂況乎宴饗萬國奏之廟堂者哉雖伶夔曠遠至音難精猶宜儀形古者已求厥衷合乎經禮于制爲詳若可施用請更部笛工選竹造作下太樂樂府施行平議諸杜夔左延年律可皆畱其御府笛正聲下徵各一具皆銘題作者姓名其餘無所施用還付御府毀

勛又問和作笛爲可依十二律作十二笛令一孔依一律然後乃已爲樂不和辭太樂東箱長笛正聲已長四尺二寸今當復取其下徵之聲于法聲濁者笛當長計其尺寸乃五尺有餘和昔日作

之不可吹也。又笛諸孔雖不校試，意謂不能得一孔輒應一律也。案太樂四尺二寸，笛正聲均應蕤賓，已十二律還相爲宮。推法下徵之孔，當應律大呂。大呂笛長二尺六寸有奇，不得長五尺餘。輒令太樂郎劉秀、鄧昊等依律作大呂笛，已示和。又吹七律一孔，一校聲皆相應。然後令郝生鼓箏，宋同吹笛，已爲雜引相和諸曲。和乃辭曰：自和父祖漢世已來，笛家相傳不知此法，而今調均與律相應，實非所及也。郝生魯基、種整、朱夏皆與和同。

又問和笛有六孔，及其體中之空爲七，和爲能盡名其宮商角徵羽。孔調與不調，已何檢知？和辭：先師相傳吹笛，但已作曲相語爲某曲，當舉某指，初不知七孔盡應何聲也。若當作笛，其仰尙方，笛工依案舊像訖，但吹取鳴者，初不復校其諸孔調與不調也。案周禮調樂金石有一定之聲，是故造鐘磬者，先依律調之，然後施于廟懸，作樂之時，諸音皆受鐘磬之均，卽爲悉應律也。至于饗宴殿

堂之上無廂懸鐘磬。曰笛有一定調。故諸絃歌皆從笛爲正。是爲笛猶鐘磬宜必合于律呂。如和所對直。曰意造率短一寸七孔聲均。不知其皆應何律。調與不調無已。檢正唯取竹之鳴者爲無法制。趣令部郎劉秀鄧吳王豔魏邵等與笛工參共作笛。工人造其形律者。定其聲。然後器象有制。音均和協。

又問和若不知律呂之義作樂音均高下清濁之調當曰何名之和辭每合樂時隨歌者聲之清濁用笛有長短假令聲濁者用三尺二笛因名曰此三尺二調也聲清者用二尺九笛因名曰此二尺九調也。漢魏相傳施行皆然。案周禮奏六樂乃奏黃鍾歌大呂乃奏太簇歌應鍾皆曰律呂之義紀歌奏清濁而和所稱曰二尺三尺爲名雖漢魏用之俗而不典。部郎劉秀鄧吳等曰律作三尺二寸者應無射之律若宜用長笛執樂者曰請奏無射。周語曰無射所已宣布哲人之令德示民軌儀也。二尺八寸四分四釐應黃

鍾之律若宜用短笛執樂者曰請奏黃鍾周語曰黃鍾所呂宣養六氣九德也是則歌奏之義當合經禮考之古典千制爲雅

晉書律歷

志上宋書律志

奏諫用伊羨趙咸爲中書舍人

晉武帝時門下啟通事令史伊羨趙咸爲中書舍人對掌文法勛

奏曰爲

御覽二百二十引荀勗集

今天下幸賴陛下聖德六合爲一望道化隆洽垂之將來而門下上稱程咸張惲下稱此等欲曰文法爲政皆愚臣所未達者昔張釋之諫漢文謂獸圈籬夫不宜見用郗吉住車明調和陰陽之本此二人豈不知小吏之惠誠重惜大化也昔魏武帝使中軍司荀攸典刑獄明帝時猶曰付內常侍臣所聞明帝時唯有通事劉泰等官不過與殿中內號耳又頃言論者皆云省官減事而求益吏者相尋矣多云尙書郎大令史不親文書乃委付書令史及幹

誠吏多則相倚也。增置文法之職，適恐更耗擾臺閣。臣竊謂不可。
晉書荀勗傳

甲乙問議

昔鄉里鄭子羣娶陳司空從妹，後隔呂布之亂，不復相知。存亡更娶鄉里蔡氏女。徐州平定，陳氏得還，遂二妃並存。蔡氏之子字元璽，為陳氏服嫡母之服。事陳公曰從舅之禮。族兄宗伯曾責元璽，謂抑其親。鄉里先達曰：元璽為合宜，不審此事粗相似否。
晉書禮志中安豐太守程諒先已有妻，後又娶，遂立二嫡。前妻亡後，妻子勸疑所服中書令張華造甲乙問。

王昌前母服議

昔鄭子羣娶陳司空從妹，後隔呂布之亂，不知存亡，更娶蔡氏女。徐州平後，陳氏得還，二妃並存。蔡氏之子元璽為陳氏服嫡母之服。族兄宗伯曾責元璽，謂抑其親。鄉里先達曰：元璽為合宜。
通典人十

九案王昌事詳前竟陵王琳文

又陳遣王公之國議

如詔準古方伯選才使軍國各隨方面爲都督誠如明旨至于割正封疆使親疏不同誠爲佳矣然分裂舊土猶懼多所搖動必使人心忽擾思惟竊宜如前若干事不得不時有所轉封而不至分割土域有所損奪者可隨宜節度其五等體國經遠實不成制度然但虛名其于實事略與舊郡縣鄉亭無異若造次改奪恐不能不已爲恨今方了其大者已爲五等可須後裁度凡事雖有久而益善者若臨時或有不解亦不可忽

晉書荀勗傳

省吏議

省吏不如省官省官不如省事省事不如清心昔蕭曹相漢載其清靜致畫一之歌此清心之本也漢文垂拱幾致刑措此省事也光武并合吏員縣官國邑裁置十一此省官也魏太和中遣王人四出減天下吏員正始中亦并合郡縣此省吏也今必欲求之于

本則宜曰省事爲先。凡居位者使務思蕭曹之心。曰翼佐大化。篤義行。崇敦睦。使昧寵忘本者不得容。而僞行自息。浮華者懼矣。重敬讓。尙止足。令賤不妨貴。少不陵長。遠不閒親。新不閒舊。小不加大。淫不破義。則上下相安。遠近相信矣。位不可曰進趣得。譽不可曰朋黨求。則是非不妄。而明官人不惑于聽矣。去奇技。抑異說。好變舊。曰微非常之利者。必加其誅。則官業有常。人心不遷矣。事留則政稽。政稽則功廢。處位者而孜孜不怠。奉職司者而夙夜不懈。則雖在挈瓶。而守不假器矣。使信若金石。小失不害大政。忍忿相曰容之。簡文案。略細苛令之所施。必使人易視聽。願之如陽春。畏之如雷震。忽使微文煩撓。爲百吏所黷。二三之命。爲百姓所鑒。則吏竭其誠。下悅上命矣。設官分職。委事責成。君子心競而不力爭。量能受任。思不出位。則官無異業。政典不奸矣。凡此皆愚所謂省事之本也。苟無此愆。雖不省吏。天下必謂之省矣。若欲省官。私謂

九寺可并于尙書。蘭臺宜省付三府。然施行歷代世之所習。是曰久抱愚懷。而不敢言。至于省事。實已爲善。若直作大例。皆減其半。恐文武眾官。郡國職業及事之興廢。不得皆同。凡發號施令。典而當則安。儻有駁者。或致壅否。凡職所臨履。先精其得失。使忠信之官。明察之長。各裁其中。先條上言之。然後混齊大體。詳宜所省。則令下必行。不可搖動。如其不爾。恐適惑人聽。比前行所省。皆須與輒復。或激而滋繁。亦不可不重。晉書荀勗傳時又議省州郡縣半吏已赴農功勸議曰爲云云

爲晉文王與孫皓書

聖人稱有君臣。然後有上下。禮義是故大必字小。小必事大。然後上下安服。羣生獲所。逮至末塗。純德既毀。勦民之命。已爭彊于天下。違禮順之至理。則仁者弗由也。方今主上聖明。覆幬無外。僕備位宰輔。屬當國重。惟華夏乖殊。方隅圯裂。六十餘載。金革亟動。無年不戰。暴骸喪元。困悴罔定。每用悼心。坐以待旦。將欲止戈興仁。

爲百姓請命。故分命偏師。平定蜀漢。役未經年。全軍獨克。于時猛將謀夫。朝臣庶士。咸曰奉天時之宜。就征討之軍。藉吞敵之勢。宜遂回旗。東指。曰臨吳境。舟師泛江。順流而下。陸軍南轅。取徑四郡。兼城都之械。漕巴漢之粟。然後曰中軍整旅。二方雲會。未及浹辰。可便江表底平。南夏順軌。然國朝深惟伐蜀之舉。雖有靜難之功。亦悼蜀民獨罹其害。戰于綿竹者。自元帥曰下泣受斬戮。伏屍蔽地。血流丹野。一之于前。猶追恨不忍。況重之于後乎。是故旅師案甲。思與南邦共全百姓之命。夫料力忖勢。度資最險。遠攷古昔廢興之理。近鑒西蜀安危之效。隆德保祚。去危卽順。屈己曰靈四海者。仁哲之高致也。履危偷安。隕德覆祚。而不稱于後世者。非智者之所居也。今朝廷遣徐紹孫。或獻書喻懷。若書御于前。必少留意。同慮革算。結歡弭兵。共爲一家。惠矜吳會。施及中土。豈不泰哉。此昭心之大願也。敢不承受。若不獲命。則晉天率土。期于大同。雖重

干戈固不獲已也

吳志歸命侯傳
在引漢晉春秋

今餉雜色綾十端、縠三端、細縑十匹

藝文類聚八十五御覽八百
十六引兩條又八百十八

荅王琰書

王陶丘州人口廟盜鮮卑金頭寶帶十二枚

書鈔一百二十九

上穆天子傳序

序古文穆天子傳者太康二年汲縣民不準盜發古冢所得書也皆竹簡素絲編呂臣助前所攷定古尺度其簡長二尺四寸呂罍書一簡四十字汲者戰國時魏地也案所得紀年蓋魏惠成王今王之冢也于世本蓋襄王也案史記六國年表自今王二十一年至秦始皇三十四年燔書之歲八十六年及至太康二年初得此書凡五百七十九年其書言周穆王遊行之事春秋左氏傳曰穆王欲肆其心周行于天下將皆使有車轍馬跡焉此書所載則其事也王好巡守得盜驪騮耳之乘造父爲御呂觀四荒北絕流

沙西登昆侖見西王母與太史公記同汲郡收書不謹多毀落殘缺雖其言不典皆是古書頗可觀覽謹言二尺黃紙寫上請事平已本簡書及所新寫並付祕書繕寫藏之中經副在三閣謹序

子傳道藏本

荀組

組字大章，勛子，爲司徒左曹屬，補太子舍人。司徒王渾請爲從事中郎，轉左長史。惠帝時，歷太子中庶子、滎陽太守。趙王倫爲相國，引爲右長史，倫篡位，進侍中。永興中，爲河南尹，遷尙書，轉衛尉，封城陽縣男。加散騎常侍、中書監，轉司隸校尉，加特進、光祿大夫。永嘉末，司空王浚承制，召爲司隸校尉，行豫州刺史。建興初，爲司空，領尙書、左僕射，兼司隸，行西臺事。進封臨潁縣公。尋爲太尉，領豫州牧，假節。元帝承制，召爲都督司州諸軍，加散騎常侍，及卽位，召爲司徒。大興初，率其屬南歸，加錄尙書事。永

昌初遷太尉領太子太保未拜卒諡曰元有集三卷

議定父子生離哀制表

有六親相失及不知父母沒地者已未指得亡死之閒沒地處所情慮無異然已未審指的希萬一之存未忍舉哀則有終身之戚不涉吉事或推一身承一宗之重傳祖考遺體無心婚娶遂令宗祀絕滅于一人及犯不孝莫大無後之罪此實難處然臣已爲此非聖人不曰死傷生之教也兩路相通久無音問殯可知矣但不了死地耳如此之徒宜曰王法斷之令舉哀制服勤三年凶不過三年此近亡于禮者之禮也

通典九十八

請議定改葬服制表

大興二年

王路漸通士人得視塚墓多聞凶問朝野所行不同或有輕重斬杖者復有制齊衰三月總麻三月者直素服盡哀者人生不同性有厚薄是已聖人制禮居中使賢者俯就不肖者企及臣謂墓毀

之制改葬總麻當包之矣鄭康成王子雍皆云棺毀見屍痛之極也今遇賊見毀理無輕重也曰禮無明文行者致異臣以為宜使明禮大臣議為正通典一百二

霍原不應舉寒素議

寒素者當謂門寒身素無世祚之資原為列侯顯佩金紫先為人閒流通之事晚乃務學少長異業年踰始立草野之譽未洽德禮無聞不應寒素之目晉書李重傳燕國中正劉沈舉霍原為寒素司徒左長荀組曰為云云

荀奕

奕字玄欣組子少拜太子舍人駙馬都尉出為鎮東參軍行揚武將軍新汲令隨父渡江拜中庶子遷給事黃門郎散騎常侍侍中成帝時卒贈太僕謚曰定

駁尚書符下陳畱王使出城夫

昔虞賓在位書稱其美詩詠有客載在雅頌今陳畱王位在三公

之上。坐在太子之右。故答表曰。書賜物曰與。此古今之所崇。體國之高義也。謂宜除夫役。

晉書荀爽傳

重駁

春秋之末。文武之道將墜于地。新有子朝之亂。于時諸侯逋替。莫肯率職。宋之于周。實有列國之權。且同已勤王。而主之者晉。客而辭役。責之可也。今之陳留。無列國之勢。此之作否。何益有無。臣曰。爲宜除干國職爲全。

同上

駁讀秋令

咸和五年六月

尚書三公曹奏。讀秋令儀注新荒已來。舊典未備。臣等參議。武皇帝時。光祿大夫臣華恆議曰。秋與夏盛暑。常闕不讀。令在春冬。則不廢也。夫先王所曰。順時讀令者。蓋後天而奉天時。正服尊嚴之所重。今服章所闕。加比熱隆赫。臣等謂可如恆議。依故事闕而不讀。

晉書禮志上宋書禮志二通典七十咸和五年六月有司奏讀秋令兼侍中散騎常侍荀爽兼黃門侍郎散騎侍郎曹宇駁云

云記

元會敬司徒議

三朝之首宜明君臣之體則不應敬若他日小會自可盡禮又至尊與公書手詔則曰頓首言中書爲詔則云敬問散騎優冊則曰制命今詔文尙異況大會之與小會理豈得同

晉書荀奕傳

賜進士出身二品銜廣東等處提刑按察使司按察使兼管驛傳事務黃岡王毓藻校刊

全晉文卷三十一終

全晉文卷三十二

烏程嚴可均校輯

何楨

楨字元幹廬江潛人魏太和中為揚州別駕正始中為弘農太守歷幽州刺史拜廷尉入晉為尚書光祿大夫有集五卷

許都賦

元正大饗壇彼東南旗幕峨峨檐宇弘淡

宋書禮志一

景福鬱枕已雲起飛棟烏企而翼舒

文選陸倕石闕銘注

乃然百枝盛庭燎

北堂書鈔一百五十五

表省函關

易稱王公設險已守其國孟軻云古者關譏而不征關險之設所

由尚矣

載文類聚六引何楨集正始六年為弘農太守表省函關

為舊君反服議

禮爲貴臣貴妾總麻三月夫貴之施賤猶論恩紀已制服況嘗爲臣吏禮遇恩紀優劣不同焉可同之一例今已爲辟舉正職之吏宜依古爲舊君服不論違適之異皆齊縗三月其餘郡吏聞喪盡哀而已

通典九十又宋書禮志二泰始四年尚書何慎奏故辟舉綱紀吏不計違適皆反服舊君齊衰三月

賤

凡二日蝗生此謂見其始生知其處所得言初上蝗事云縣及下部各不旱見至今生翅能飛臣輒躬親撲滅

布在及下部各不旱見至一頃田中往往十步五步一頭案其言事蝗之枚數可得而知也

藝文類聚一百

立壽賜名敘

新婦荀氏所生女已歲在丁丑四月五日始出時生此月斗建巳其日又巳其時加卯甲乙卯皆東南春夏天地動發萬物茲之三月吉之善時也又于易卦震體在卯巽位在巳震爲長男巽爲

長女而此女孫正用茲日斯時始旦日月豈依先祖之靈實臨祐之玄髮素顏婦人之上姿也壽考無疆先民之至願也故賜名曰玄壽焉

御覽三百六十二

何憚

憚慎子咸寧末爲揚州別駕累遷豫州刺史

與周浚牋

書貴克讓易大謙光斯古文所詠道家所崇箭破張悌吳人失氣龍驤因之陷其區宇論其前後我實緩師動則爲傷事則不及而今方競其功彼旣不吞聲將虧雍穆之弘興矜爭之鄙斯愚情之所不取也

晉書周浚傳浚隨王憚代吳憚欲與王濬爭功憚牋與浚浚諫止憚不納

何充

充字次道憚孫王敦辟爲大將軍掾轉主簿左遷東海王文學進中書侍郎成帝卽位遷給事黃門侍郎已與平蘇峻功封都

鄉侯拜散騎常侍出爲東陽太守除建威將軍會稽內史徙丹陽尹加吏部尙書進號冠軍將軍又領會稽王師轉護軍將軍錄尙書事尋遷尙書令加左將軍固讓徙中書令康帝卽位出爲驃騎將軍都督徐州揚州之晉陵軍事假節領徐州刺史鎮京口入爲都督揚州徐州之琅邪諸軍事領揚州刺史穆帝卽位加中書監錄尙書事又加侍中永和二年卒贈司空謚曰文穆有集五卷

賀正表

璇衡運周元正肇祚伏惟陛下應乾納祐與天同休

初學記四

請徵虞喜疏

臣聞二八舉而四門穆十亂用而天下安徽猷克闡有自來矣方今聖德欽明思恢遐烈旌與整駕俟賢而動伏見前賢良虞喜天挺貞素高尙邈世束修立德皓首不倦加已傍綜廣深博聞彊識

鑽堅研微有弗及之勤處靜味道無風塵之志高枕柴門怡然自足宜使蒲輪紆衡已旌殊操一則翼贊大化二則敦勸薄俗晉書

奏言沙門不應敬王者

尚書令冠軍撫軍都鄉侯臣充散騎常侍左僕射長平伯臣裴散騎常侍右僕射建安伯臣恢尚書關中侯臣懷守尚書昌安子臣廣等言世祖武皇帝已盛明革命肅祖明皇帝聰聖立覽豈于時沙門不易屈膝願已不變其修善之法所已通天下之志也愚謂宜遵承先帝故事于義爲長釋教冠一沙門不應拜俗事一

又奏

尚書令冠軍撫軍都鄉侯臣充散騎常侍左僕射長平伯臣裴散騎常侍右僕射建安伯臣恢尚書關中侯臣懷守尚書昌安子臣廣等言詔書如右臣等情短不足已讚揚聖旨宣暢大義伏省明

詔震懼屏營輒共尋詳有佛無佛固非臣等所能定也然尋其遺文讚其要旨五戒之禁實助王化賤昭昭之名行貴冥冥之潛操行德在于忘身抱一心之清妙且興自漢世迄于今日雖法有隆衰而弊無妖妄神道經久未有其比也夫詛有損也祝必有益臣之愚誠竇願塵露之微增潤嵩岱區區之祝上裨皇極今一令其拜遂廢其法令修善之俗廢于聖世習實生常必致愁懼隱之臣心竊所未安臣雖蒙蔽豈敢已偏見疑誤聖聽直謂世經三代人更明聖今不爲之制無虧王法而幽冥之路可無擁滯是已復陳愚誠乞垂省察謹啟

釋藏冠一沙門不拜俗事一

又奏

臣充等言臣等雖誠暗蔽不通遠旨至于乾乾夙夜思修王度寧苟執偏管而亂大倫邪直曰漢魏逮晉不聞異議尊卑憲章無或暫虧也今沙門之愼戒專然及爲其禮一而已矣至于守戒之篤

者亡身不恪何敬已形骸而慢禮敬哉每見燒香祝願必先國家
欲福祐之隆情無極已奉上崇順出于自然禮儀之飭蓋是專一
守法是已先聖御世因而弗革也天網恢恢疏而不失臣等屢屢
已爲不令致拜于法無虧因其所利而惠之使賢愚莫敢不用情
則上有天覆地載之施下有守一修善之人謹復陳其愚淺願蒙
省察謹啟

禪藏冠一沙門不
拜俗事一弘明集

褚太后敬父議

如禪所正可敕御史左將軍入在公廷則修臣敬皇太后歸寧之
日則全子禮申諭內外奉行

通典六
十七

與庾翼書

褚將軍還朝值太后臨朝時議褚侯雖后父乃晉臣也宜用鄭議
或謂諸王宜不拜耳乃不稱臣燕王非比也又云竇武雖受爵太
后錄尚書事而漢無拜文爲疑故恐大義乖錯褚侯既不拜便是

異姓太上皇也此巍巍亦庶姓不敢安

通典六十七

何琦

琦字萬倫充從兄元帝時爲郡主簿察孝廉除郎中補宣城涇縣令明帝時司徒王導引爲參軍不就曰母憂去職服闋司空陸玩太尉桓溫辟不就詔徵博士簡文爲撫軍召爲參軍公車再徵通直散騎侍郎散騎常侍竝不行卒年八十二有三國志論九卷

請修五嶽祠

升平中

唐虞之制天子五載一巡狩宋志作省時之方柴燎五嶽望于山川徧于羣神故曰因名山升中于天所曰昭告神祇饗報功德是已災厲不作而風雨寒暑已時降及三代年數雖殊而其禮不易五嶽視三公四瀆視諸侯著在經記所謂有其舉之莫敢廢也及秦漢都西京涇渭長水雖不在祀典已近咸陽故盡得比大川之祠

而正立之祀可已闕哉。自永嘉之亂，神州傾覆，茲事替矣。惟瀟之
天柱在王略之內也。舊臺選百戶吏卒以奉其職。中興之際，未有
官守。廬江郡常遣太史兼假四時禱賽。春釋寒而冬請冰，自咸和
迄于今，又復崇替。計今非典之祠，可謂非一。考其正名，則淫昏之
鬼推其糜費，則百姓宋志作之蠹。而山川大神更爲飭缺。禮俗頽
紊，人神雜擾。公私存惑，漸已繁滋。良由頃國家多難，日不暇給，草
建廢滯，事有未遑。今元愍已殲，宜修舊典，嶽瀆之域，風教所被，來
蘇之眾，咸蒙德澤。而神祇禋祀未之或甄。巡狩柴燎，其廢尙矣。崇
明前典，將俟皇興北旋，稽古憲章，大釐制度，其五嶽四瀆，宜增修
之處，但俎豆牲牢，祝嘏文辭，舊章靡記，可令禮官作式，歸諸誠簡。
呂達明德馨香，如斯而已。其諸妖孽，可粗依法令，先去其甚，俾邪
不黷正。晉書禮志上宋書禮志四通典五十五

追駁江統許遐拜時遭喪議

夫正名者道理之本然拜時非古而行之歷代遂曰成俗古者布其几筵恭告祖祇將納他族曰奉宗祀父親醮子而命之迎女受父母之遺曰涉夫氏之庭而交拜敬之禮在塗喪紀定矣服制既正齊功卒哭可迎此不闕千古而通于今議是也然婚姻之道公私急務愚曰爲拜時及一日二日之婦婦名既正即宜一撈其衾綢未接歸葬其黨通典五十九

天子敬父議

父母之尊擬則天地君親之道資敬是同今承受命運君臨率土而父曰子食天祿不敢子天子曰明王者之道而子雖曰爲天子必有尊也推斯曰言父自必臣天位之君而子自必尊天性之父

通典六十七

爲曾祖後服議

卿士之家別宗無後宗緒不可絕若昆弟曰孫若曾孫後之理宜

然也。禮緣事而興，不應拘常。已爲礙也。魏之宗聖，遠繼宣尼，琦從父曰孫繼族祖荀顗無子，已兄孫爲嗣，此成比也。通典九十六

論前母黨服

夫子曰：必也正名乎！正名者，理道之本，禮之大者也。文條或闕而附例可明，禮云：生不及祖父母昆弟，而父稅喪已，則不若與祖乖違。父既歿而聞喪，豈可拘已本制不稅而廢其正服乎？若未生而伯叔母終終爲伯叔父後，繼嗣之道雖同，原情之實則異。今必從于所養而反疑于爲本乎？諸侯國人生不及先代之君，于其陵廟亦必曰君也，此公義之正名也。前母之尊固家人正稱也，其易了如皦日。太康初，博議王昌前母服，公府下粹，已爲母之非親而服三年者，非一也。前母名同尊正，義存配父，蓋已生不及故無其制，非于義不可也。元康中，有改葬前母而疑其服，司徒左長史胡濟已前母父之元妃所生，則家之嫡長，應制如改葬之服。于時二代

無曰不允白茲已來行之不殊禮母卒自爲母之黨服母出則不爲母之黨服而爲繼母之黨服故尊其所從則不敢不服服有所逼則不得自伸外服無二而必宜有一如向所論必所繼不及伯叔母之黨居然可見矣明已名禮爲制者不計恩逮與不也

答納采文

皇帝嘉命訪婚隨族備數采擇臣之從祖弟先臣散騎侍郎準之遺女未聞教訓衣履若人欽承舊章肅奉典制前太尉參軍都鄉侯龔士臣何琦頓首稽首再拜承制詔晉書龔士臣何皇后傳通典五十八

答問名文

皇帝嘉命使者彪之到重宣中詔問臣名族臣族女父母所生先臣故光祿大夫雲巽侯慎之遺玄孫先臣故豫州通典作刺史關內侯惲之曾孫先臣故安豐太守關內侯淑之孫先臣故散騎侍郎準之遺女外出自于先臣故尚書左丞孔胄之外曾孫先臣故

待中關內侯夷之外孫女年十七欽承舊章肅奉典制前某官某侯樊土臣何琦稽首頓首再拜欽承制詔

荅納吉文

皇帝嘉命使者彪之重宣中制大卜元吉臣陋族卑鄙憂懼不堪欽承舊章肅奉典制前某官某侯樊土臣何琦稽首頓首再拜承制詔

荅納徵文

皇帝嘉命使者某重宣中制降婚卑陋崇已上公寵已豐禮備物典冊欽承舊章肅奉典制前某官某侯云云再拜承制詔

荅請期文

皇帝嘉命使者彪之重宣中制告曰惟八月壬子可迎臣欽承舊章肅奉典制前某官某侯再拜承制詔

荅迎后文

皇帝嘉命使者臨重宣中制令月吉辰備禮曰迎上公宗卿兼至副介近臣百兩臣螻蟻之族猥承大禮憂懼戰悸欽承舊章肅奉典制前某官某族某士臣某謹因使者兼某官某王臨上謹荅

書禮志下通典五十八

何澄

澄字季立充弟準之第三子孝武時爲祕書郎轉承遷祕書監太常中護軍出爲冠軍將軍吳國內史徵拜尙書安帝卽位遷尙書左僕射領本州大中正元興末卒義熙初追贈金紫光祿大夫

太皇太后服議

隆安三年

太皇太后名位允正體同皇極理制備盡情禮彌伸春秋之義母曰子貴既稱夫人禮服從政故成風著夫人之號昭公服三年之喪子于父之所生體尊義重且禮祖不厭孫固宜遂服無屈而緣

情立制若嫌明文不存則疑從重應同爲祖母後齊衰周永安皇
后無服但一舉哀百官亦一周

通典
八十

李膺

膺字宣伯遼東襄平人魏時爲郡上計掾州辟部從事治中舉
孝廉參鎮北軍事遷樂平侯相入爲尙書郎遷中護軍司馬轉
吏部郎賜爵關中侯出補安豐太守文帝爲大將軍引爲從事
中郎遷御史中丞尋爲西中郎將督關中諸軍事徙河南尹封
廣陸伯晉受禪拜尙書進爵爲侯遷吏部尙書僕射轉太子少
傅領司隸校尉咸寧初拜侍中加特進遷尙書令代何曾爲司
徒太康三年卒諡曰成

奏請延訪三公

古者三公坐而論道內參六官之事外與六卿之敎或處三槐兼
聽獄訟稽疑之典謀及卿士陛下聖德欽明垂心萬機猥發明詔

儀刑古式雖唐虞疇諮周文翼翼無已加也自今已往國有大政可親延羣公詢納讜言其軍國所疑延詣省中使侍中尚書諮論所宜若有疾疢不任覲會臨時遣侍訊訪

晉書李膺傳

王毖子昌前母服議

毖為黃門侍郎江南已叛石厚與焉大義滅親況于毖之義可得

已為妻乎

晉書禮志中案王昌事詳前竟陵王棼文

曹志

志字允恭譙國譙人魏陳思王植子太和末徙封濟北王晉受禪降封鄆城縣公出為樂平太守歷章武趙郡咸寧初遷散騎常侍國子博士免後復為散騎常侍太康九年卒諡曰定有集二卷

奏議齊王攸之藩

伏聞大司馬齊王當出藩東夏備物盡禮同之二伯今陛下為聖

君稷契爲賢臣內有魯衛之親外有齊晉之輔坐而守安此萬世之基也古之夾輔王室同姓則周公其人也異姓則太公其人也皆身在內五世反葬後雖有五霸代興桓文譎主下有請隧之僭上有九錫之禮終于譎而不正驗于尾大不掉豈與召公之歌棠棣周詩之詠鴟鴞同日論哉今聖朝創業之始始之不諒後事難工幹植不彊枝葉不茂骨鯁不存皮膚不充自義皇已來豈是一姓之獨有欲結其心者當有磐石之固夫欲享萬世之利者當與天下議之故天之聰明自我人之聰明秦魏欲獨擅其威而財得沒其身周漢能分其利而親疏爲之用此自聖主之深慮日月之所照事雖淺當深謀之言雖輕當重思之志備位儒官若言不及禮是志寇竊知忠不言義所不敢志已爲當如博士等議

晉書曹志傳

肉刑議

嚴刑已殺犯之者寡刑輕易犯蹈惡者多臣謂玩常苟免犯法乃

罪黥刑彰罪而民甚恥且創制墨黥刑見者知禁彰罪表惡亦足

曰畏甄文類聚作所曰易曰小懲大戒豈蹈惡者多邪假使惡多

尚不致死無妨產育苟必行殺已止殺為惡縱寡積而不已將至

無人天無已大君無已尊矣故古人寧過不殺不寧輕積殺是已

為上寧寬得眾不寧急積殺若乃于張聽訟刑已止刑可不革舊

過此已往肉刑宜復假令漢文于張承大亂之後創基七十國寡

民稀止禁刑書鞭杖為治也肉刑于死為輕減死五百為重重不

害生足已懲奸輕則知禁禁民為非所謂相濟經常之法議云不

可或未之喻也甄文類聚五十四

曹臣

臣志子元康中為中郎封關中侯

移冀州大中正

臣曰元康四年為先定公薨背還濟北穀城墓宅安厝太學博士

趙國蘇宙昔先公臨趙曰宙爲功曹後爲察孝前臣遭難宙爲鎮東司馬趙之故吏有致身敘哀者有在職遺奉版者唯宙名諱不至宙今典禮學之官口誦義言不可廢在三之義于宙應見論貶

通典九十九元康中趙郡吏蘇宙不奔弔于郡將中郎闕中侯曹臣移冀州大冲正云云

賜進士出身二品銜廣東等處提刑按察使司按察使兼管驛傳事務黃岡王毓藻校刊

全晉文卷三十二終

全晉文卷三十二

曹臣

十